

23

Dissertatio Academica

DE

*MARCO TULLIO CICERONE,
ut Politico, non plane imitando,*

Quam

Conf. Amplif. Fac. Philos. Aboëns.

PRÆSIDE

Mag. JOHANNE BILMARK,

HIST. ET PHILOS. PRACT. PROFESSORE REG. ET ORDIN.

PUBLICE PRO GRADU EXHIEET

HENRICUS SELENI,

Stip. Archenholzianus, Wiburgensis.

In Auditorio Majori die 3 Junii 1797,

h. a. m. c.

ABOË, TYPIS FRENCKELLIANIS.

V I R O

Per Celebri atque Praeclarissimo,
D:no Mag. CAROLO FRID.
MEINANDER,

ad Regium Gymnasium Borgoënsse Mathematum
Leđori meritissimo,

Patrono Benignissimo,

Omnium certe ingratisimus forem, si banc multis votis ex-
petitam occasionem prætermitterem, publice declarandi de-
votum, quo Te, Patrone Optime, ob beneficia vere paterna
in me abunde collata, prosequor, animum. Præter hunc au-
tem quum nibil babeam, remunerationis loco Tibi offerendum,
humillimus rogo, digneris dissertationem banc meam gradua-
lem in pignus meæ in Te pietatis nunquam intermorituræ,
serena excipere fronte. Quam veniam quum Tua mibi spon-
deat bonitas; ego vicissim calidissima ad supremum Numen
pro perenni Tua felicitate fundere vota nunquam intermittam,
ad cineres permanfurus

Per Celebris atque Praeclarissimi Nominis Tui

Cultor humillissimus
HENRICUS SELENI,



P R A E F A T I O .

Scriptorum, quorum memoria propter ingenii acumen & facundiae flumen ad feros pervenit posteros, vix ullus ex tota veterum Philosophorum & Oratorum cohorte invenitur, Marco Tullio CICERONI praferendus. Contigit enim huic, quod paucissimis aliis, ut pro eis, quibus eminuit, animi dotibus scripta sua, pleraque saltem, ita consignaret, ut eadem primum legentibus eximiam parerent voluptatem, relegentibus denuo non tantum nulla suboriretur nausea, sed novae quasi veneres ac nova sententiarum lumina in illorum conspectum veluti inopinato prodirent, & ad lectionem continuandam allicerent. Quare etiam in Auctore hoc laudando, & ut elegantis dictioris Archetypo scientiarum alumnis commendando, multi inde a renatis litteris studium operamque suam collocarunt. Immo fuit tempus, quo CICERONEM, ut maximum Polyhistorem certatim proponerent Eruditi, alii Theologiam, alii Jurisprudentiam tam Naturalem quam civilem, alii Politicam, alii Poësin, & omnes Eloquentiam CICERONIS magnis efferentes encomiis, quin & sententias ab eo prolatas adinstar totidem demonstrationum habentes. Absit etiam a nobis quam longissime, ut famam tanti viri, tam suis meritis, quam celebrium Scriptorum laudibus abunde confir-

matam fuggillaremus, ut potius ejus admiratoribus nos libenter adjungamus; attamen quum officii numeros non is impleverit, qui bene & ornate loquitur, sed ab unoquoque maxime requiratur, ut factis exprimat virtutis sensum, quo animus suus adscitur; disimulare non possumus, quin nobis vitam & facta Herois hujus Romani excedentibus vixum fuerit, magnum quidem eum fuisse, sed hominem tamen, suos manes non raro passum, adeoque in exemplum probi ac cordati Politici haud proponendum. An vero nostra nos fallat opinio, judicio Benevoli Lectoris deferimus, ipsum officio rogantes, ut nostram prius perlegat dissertacionulam, quam de alicui hoc argumento suam ferat sententiam.

§. I.

Quid rubrum dissertatione hujus importet, tam clarum esse arbitramur, ut nulla fere indigeat explicatione. Observamus solummodo, quod Politicum appellemus non tam eum, qui per scientiarum latifundia exspatiatus, multiplicem illam sibi acquisivit cognitionem ferum, quae ad civitatum salutem conservandam & earum florem promovendum sunt necessariae, sed virum sive togatum sive sagatum propter rerum civilium peritiam, suam perspicaciam & in agendo dexteritatem, insigniaque in patriam merita gubernaculo reipublicae admotum, & in negotiis gravissimi momenti expediendis occupatum. Ab hoc igitur jure postulamus, ut in memoriam sibi semper revocet, ad sublimem illum honoris gradum se non ideo esse evectum, ut suae vel ambitioni vel vanitati satisfaciat; se autem civitati suae totum esse obstrictum, proindeque in hujus incolumentem ac perennem florrem curas & studium continuo impensurum, nec non ad verae virtutis tenorem se ita compositurum, ut nec spe, nec praemissis aliisve invitamentis, quanta demumcunque ei offerantur, ne dum incommodorum forte ingruentium metu, a constantiae, mode-

modestiae & probitatis semita dimovetatur. Ad suum quoque officium pertinere existimet, in secunda fortuna & rebus ad votum fluentibus humaniter se gerere, in adversa autem & minitantibus praeter opinionem calamitatum tempestatibus nec animum despondere, nec consilii inopem, aut salutis suae cauffa esse varium. Haud opus est characteri boni Politici alia superaddere lineamenta; quum si ad propositum lapidem lydium res gestae M. T. CICERONIS exigantur, satis appareat, magnitudinem animi ejus tantam non fuisse, quantam a Politico postulare fas sit. Id quod generaliter confitare arbitramur ex illa, quam inter CATONEM & CICERONEM Perillustris D:rus MONTESQUIEU instituit, comparatione. Ita autem hic: *Je crois que si Caton s'étoit réservé pour la république, il auroit donné aux choses tout un autre tour. Cicéron, avec des parties admirables pour un second rôle, étoit incapable du premier; il avoit un beau génie, mais un ame souvent commune. L'accessoire chez Cicéron c'étoit la vertu, chez Caton, c'étoit la gloire (a). Cicéron se voyoit toujours le premier, Caton s'oublioit toujours; celui ci vouloit sauver la république pour elle même, celui-la pour s'en venter --- Je pourrois continuer la parallèle, en disant, que, quand Caton prévoyoit, Cicéron craignoit; que là où Caton espéroit, Cicéron se confioit; que le premier voyoit toujours les choses de sang froid, l'autre au traverts de cent petites passions (b).*

(a) *Esse, quam videri, bonus malebat Cato; itaque minus gloriam petebat, eo magis illam assequebatur, ceu scribit SALLUSTIUS bello Catilinar. p. m. 16.* (b) *Vid. Considerations sur les causes de la grandeur des Romaines &c. p. m. 104 & 105.*

§. II.

Ad quem tenorem in dubiis Patriæ suæ rebus se gesserit CICERO, imprimis sub secundo Triumviratu, quid tunc meditatus

□ □ 4 □

tus ac molitus fuerit, & an probi Politici nomen premeruerit, si recte discernere velsimus, non tam opus est, ut aliorum sui ævi scriptorum testimonia in medium adleramus, quam scripta potius sua expendamus. Imprimis vero Epistolas Ciceronis cum ad familiares, tum ad T. P. ATTICUM, quo amicorem habuit neminem, consulamus, vel ideo maximi facientes, quod Historiam illorum temporum nobis tradant, atque ingenium Ciceronis Politicum nuspam luculentius, quam in his, se prodat. Aetas igitur Ciceronis in eam inciderat tempestatem, qua POMPEJUS & JULIUS CÆSAR de principatu in republica Romana inter se contendebant; quare etjam Cicero scribit ad Terentiam & Tulliam, alteram conjugem suam, alteram filiam, se in ipsam flammarum civilis discordie vel potius belli incidisse (*a*); quæ autem tunc mens ejus fuit, colligitur ex epistola ad Atticum, in qua profitetur, se medium esse non licere, cæterum nulla in re tam *adiaφορα* se uti, quam in hac civili & publica (*b*). Talia autem verbis jactando, re tamen ipsa ostendit, se aliter omnino sentire. Pierumque enim, quoties Pompeji mentionem facit, nomen ejus non sine elogio prætermittit, suam in eum benevolentiam testatam adeo faciens, ut neminem omnium hominum Pompejo se pluris facere asseveraret, pro quo etiam libenter emori vellet (*c*). Quodecumque ille consilium præcepisset, id sibi persequendum putabat, quia nihil nisi summa ratione faciebat, etiam si fortuna reipublicæ esset lugenda. Imo magnam pecuniæ summam ei dabat mutuam, & quas habebat facultates, promptissime deferebat, sapienter id facere sibi visus (*d*). Hoc autem omne, quod certe maximum, non tam reipublicæ causa, de qua jam desperaverat, quam in Pompeji favorem fecerat. Contra ea J. Cæsarem, Pompeji æmulum, vocabat impudentem, qui exercitum & provinciam invito Senatu teneret; qui minaces ad Senatum & acerbas litteras daret (*e*); prædicens, hunc, si vixit esset, nec in cæde principum clementiorem fore, quain

Cin-

Cinna fuerit, nec moderatiorem quam Sylla in pecuniis locupletium (f). Nec ignominiae satis in Cæfarem ita effusum, appellabat enim eum tyrannum, monstrum horribilis vigilante, celeritatis ac diligentie; turpe dicens, cum eo se conjungere, qui, incertum esset, Phalarim-ne, an Pisistratum esset imitaturus (g). De Cæfare præterea addens: Cædem video, si vicerit, & impetum in privatorum pecunias, & exulum redditum, & tabulas novas & turpisimorum honores, & regnum non modo Romano homini, sed ne Persæ cuiquam tolerabile (h). Alio tempore in ipsum Pompejum invehitur, etiam ante pugnam Pharsalicam abjectum ejus animum atque negligentiam acriter reprehendens, ut qui dux esset, & tamen nihil ageret, cui non animas esset, non consilium, non copia, non diligentia (i). Nec tamen censura multo mitiori Cæfarem perstrinxit, utrumque ita depingens, ut alterum plausus in fœdissima causa querere, alterum offensiones in optima; alterum conservatorem inimicorum, alterum desertorem amicorum dicceret (k). Post pugnam autem Pharsalicam Pompejum, in eadem vietum, gravissime taxat, quod licet imparata essent omnia, contra paratisimos tamen iverit, dolorem hinc sentiens eo graviorem, quo majori culpa laboraret, adeo quidem, ut diem etiam natalem suum, quo litteras istas lacrymis madentes dederat, diris exsecrari, & ut eo fulceptus non esset, optarit (l). Cum Cæsar deinceps ad Ciceronem amicissime scripsisset, hic animum ad fortunæ favonium composuit, & Cæfarem, quem ante ferre non potuit, tam alias, quam in orationibus publicis ad cœlum usque extulit propter mansuetudinem, clementiam inusitatam & inauditam, sapientiam incredibilem & plane divinam (m); ut cæteras, quas in eum cumulavit, laudes silentio nunc prætereamus. Enimvero hoc illo factum tempore, quo Cicero, sicut de eo scribit VELLEJUS PATERCULUS, ex infinito Pompejanarum partium amore, Cæfarem laudandum simul & tollendum censuit (n), cum aliud diceret,

aliud intelligi vellet. Cujus asserti veritas paulo post constituit. Vix enim horrendam J. Cæsaris necem Idibus Martiis perpetraverant in eum conjurati, cum Cicero tantum scelus non solum approbat, sed quod ipse quoque epulis istis pulcherrimis (ita cædem hanc vocat in epistola ad Tribonium) non interfuerit, graviter dolet, & parricidium in Cæsarem commissum, Divinum in rempublicam beneficium appellat (o). Talem tantamque animi levitatem & vitæ inconstantiam, quamquam quantamque Ciceronis etiam fæpe præter necessitatem fuisse nunc ostendimus, horret procul dubio & improbat cordatus quilibet Politicus.

- (a) Vid. *Epistolar. ad familiares* Libr. XVI, Epist. XI. p. m. 853. (b) Vid. *Epistol. ad Atticum* Libr. II, Ep. XVII. p. m. 125. (c) Vid. *Epist. 2.* Libr. VIII. ad Atticum, p. m. 321. (d) Vid. *Epist. 13,* Libr. IX. ad Attic. p. m. 443. (e) Vid. *Epist. 2.* Libr. XVI ad familiar. p. 853. (f) Vid. *Epist. 7,* Libr. VII ad Attic. p. m. 296. (g) Vid. *Epist. 20,* Libr. VII ad Attic. p. m. 312. (h) Vid. Libr. X. ad Attic. Epist. 8. p. m. 404. (i) Vid. *Epist. 21,* Libr. VII. ad Atticum p. m. 313. (k) Vid. *Epist. 9,* Libr. VIII. ad Atticum p. m. 330. (l) Vid. *Epist. 9,* Libr. XI ad Attic. p. m. 438. (m) Vid. *Ciceronis Orat. pro Marcello statim ab initio*. (n) Vid. *Histor. Roman.* Libr. 2, Cap. 20. (o) Vid. *Epist. 28,* Libr. X. ad familiar. p. m. 543.

§. III.

Qua Cicero etiam fuit inde non potuit non aliorum subinde, cæteroquin amicorum, in se concitare indignationem; ipse enim in epistola ad Dolabellam Consulem profiteri non dubitat, quod avidior esset, quam satis est, laudis (a). Quare nemini

nemini facile pepercit, quoties ingenium ostendendi ei p̄e-
bebatur occasio, pluris faciens mordaces sales, quam vel de-
corum, vel amicitiam, vel suam, quæ vaniloquentia ista peri-
clitabatur, salutem. Exempli loco sit, quod quum post clau-
dem Pharsalicam Nonius affirmaret, bonam spem viatis adhuc
restare, supereesse enim in castris Pompeji aquilas septem; p̄e-
clare eum dicere respondit Cicero, tiquidem adversus gracu-
los bellum gereretur (*b*). Idem quamvis probe sciret, quan-
tum ingeniosis quidem, sed aculeatis, dictis & Cæsarem &
Crassum s̄æpe offendisset, adeo ut Pompejus propterea, Cicero-
ni licet optime cupiens, hunc sibi ipsi relinquere cogeretur,
sibi tamen temperare non potuit, sed dum Crassus in Oratio-
ne ad populum habita primo asleveraset, neminem suæ gen-
tis Romæ annum ætatis sexagesimum fuisse supergressum, &
paulo post idem inficias iret, diceretque qui factum est, ut
hoc dictum sibi exciderit? Sciebas, regesit Cicero, auditu-
rum id populum Romanum libenter, ideoque dedisti hoc ejus au-
ribus (*c*). Imo non modicam Cicero in se conflavit invidiam,
multosque offendit, seipsum assidue laudando & celebrando.
Ubique enim, teste PLUTARCHO, sive in Senatu, sive in concio-
ne, sive in judicio, habuit in ore Catilinam & Lentulum; hac
eum quasi morbo quodam semper comitante importunitate (*d*).

(*a*) Vid. Epist. 14, Libr. IX. ad familiar. pag. m. 451.

(*b*) Vid. PLUTARCHI Oper. Tom. I. p. m. 880. (*c*) Vid.
Libr. modo citat. pag. 873. (*d*) Vid. Libr. Citat. pag.
m. 872.

§. IV.

Eadem hac tempestate Romæ quoque eminuit GABINIUS,
vir magnæ dignitatis & tam propter res fortiter gestas cele-
bris, quam ob gravissima, quæ sibi permisit, vitia famosus.
Idem

Idem enim a Lentulo, Flaminis filio, majestatis postulatus; eum de ambitu in petitione consulatus reum fecit P. Sylla; Ptolomæum Auleten, Aegypti Regem, regno a subditis suis ejectum, quod his superbe ac crudeliter imperaret, idem Gabinius, tunc temporis Syriæ ProConsul, ingenti pecuniarum summa sibi addicta, refragante populo Romano, in avitum restituerat imperium, quo gravissimam fere omnium Romanorum imprimis vero Ciceronis in se concitatavit indignationem; judicibus vero per immensas largitiones corruptis, frenidente populo, criminis absolutus. Eundem autem paulo post repetundarum reum Cicero, meliora licet edoctus, tantum ut Pompejo, cui quovis etiam impendio placere nitebatur, gratificaretur, summo defendit studio (*a*), ob id quidem humanitatis nomine a VALLERIO MAXIMO (*b*) laudatus; ab aliis vero, quod reconciliatio ista privata, publica fuerit prævaricatio, non absque ratione graviter notatus; aliis insuper addentibus, hunc non solum fuisse casum, quo injustæ caussæ patrocinium in se suscepit Cicero.

(*a*) Vid. *Dionis Cassii Histor. Roman.* p. m. 116 seq. (*b*)
Vid. *de dictis & factis memorabil. Libr. IV, Cap. 2.*
p. m. 360.

§. V.

Perpendentibus porro, facem nobis præferente Historia; qua ratione Cicero in republica se gescit cum MARCO ANTONIO, haud pauca subdoli illius atque versipellis ingenii occurunt indicia. Intima illi cum hoc primum intercessisse videtur familiaritas; ceu colligere licet ex Epistola Ciceronis ad Antonium, in qua profitetur, quod eum semper amaverit, primo quidem suo studio, postea beneficio provocatus, tum eis temporibus respublika eum sibi ita commendaverit, ut cariorem ha-

9

habuerit neminem; ut alias reticeam amicitiae testificationes (a). At postquam ex Ciceronis auctoritate & sententia Senatus capitalem poenam in Corn. Lentulum, cui mater Antonii secundis nuptiis cessit, decreverat, & Cicero ipse Lentulum e carcere protractum carnifici necandum tradiderat, acris inter Antonium & Ciceronem simultatis fons & occasio extitit (b); quod Cicero in hunc modum se gerendo, privatæ magis ulti-
ni, quam publicæ securitati inferiisse videretur. Nec hoc loco erit reticendum, quod Cicero & Antonius postea ita con-
senserint, ut ambo Julio Cæsari vivo suum probare niterentur studium; eodem autem trucidato, Antonius quidem in eadem perfliterit sententia, Cicerone ad contrarias partes dilapo, &
exanimi leoni ferociter, cui ostendimus, insultante. Imo An-
tonius, tunc Consul, non solum magnificas Cæsari, haud pau-
cis licet frendentibus, exsequias procuravit, sed orationem quoque ejus funebrem pro rostris habuit; percussoresque Cæ-
faris, Casrium & Brutum, quo ultimo familiarissime utebatur Cicero, persequendo, omnibus fuit terrori, Ciceroni maxi-
me (c). Turbida hac tempestate animum ita despondit Ci-
cero, ut solum vertere & in remotissimas Afriæ regiones se
conferre non semel moliretur; quod tamen consilium mutavit,
cum ei esset nunciatum, plane immutatum esse Antonium, o-
mniaque ex Senatus auctoritate agere, neque ad rempublicam
bene constituendam quidquam deesse, præter Ciceronis præ-
sentiam. Res autem longe aliter se habebat; Antonius enim,
qui Ciceroni, quem fortuna in suam detulerat potestatem, pe-
percerat, jam occasiones quasvis quærebat, adversarium op-
primendi, & eorum odium ita increvit ut publicis orationi-
bus se infestarentur; donec tandem prævalente Antonio capi-
pitis proscriptionem sua inconstantia Cicero ita pateretur, ut,
ceu Plutarchus refert, dum fuga saluti consuleret, ab emis-
ariis Antonii trucidaretur, prius animadvertisens & se perditum,
& libertatem populi a se proditam (c).

(a) Vid. *Epist. ad Attic.*, Libr. XII. p. m. 568, (b) Vid.
Plutarchi libr. citat. p. m. 96. (c) Vid. *Plut. Libr.*
cit. p. 882.

§. VI.

Oeiso Julio Cæsare spes erat, aliquem ex Pompeji filiis ad principatum Romæ perventurum; quare etiam Cicero ad illorum partes transiit, Pompejum de novo præter modum laudans, viruni pæne Divinum, imperique Populi Romani deus ac lumen eum suisse afferens. Enimvero quum non multo post animadvertiset, se Antonio, suo adversario, esse imparem, in Octavi Cæsaris amicitiam se insinuabat; quamvis M. Brutus eum hinc dehortaretur, Ciceronem reprehendens, quod metu Antonii observaret Cæsarem, eoque declararet, non patriæ libertatem, sed dominum magis propitium se quærere. Eum quoque in suam amicitiam haud difficulter admisit Octavius; & quum probe sciret, Ciceronem gloriæ & laudis esse avidissimum, quibusvis verborum lenociniis eum demulxit, multum inter alia fortunæ se tribuere professus, quod Cicerone Consule natus esset. Quare etiam Plutarchus refert, odium primum Antonii, deinde naturam hominis plus satisavidam laudis conglutinasse Ciceronem Cæsari, sperantem conjungere reipublicæ hujus vires; usque adeo enim vanitati Ciceronis adulabatur Octavius, ut patrem illum subinde appellaret (a). Quum vero lubricitas Ciceronis interea se proderet, Octavius autem gradum illum honoris ac potentiae, ad quem contendit, obtinuisset, Ciceronem sibi reliquit; qui igitur in Antonii potestatem perveniens, cruentum fatum effugere non potuit. Possemus equidem plura adhuc documenta Politicæ Ciceronis, ut nobis videtur, haud probandæ in medium proferre; sed ne nodum in scirpo quærere judicemur, allata sufficiant.

(a) Vid. *Plutarchi libr. citat.* p. m. 883.